

Izvještaj o radu

Centra za uklanjanje mina u Bosni i Hercegovini (BHMIC)

za 2018. Godinu

Mart 2019

Sadržaj	
Uvod	2
• Zakonska osnova	2
A. TIJELA NA RAZINI BOSNE I HERCEGOVINE	2
• Poslovi dodjeljeni BHMAC.....	3
1. Ured/Kancelarija BHMAC-a obavlja sljedeće zadatke:	3
• Centar za uklanjanje mina u BIH (nastanak i struktura)	3
• Struktura BH MAC-a	4
Sektor za operacije.....	6
• Prilog za izvještaj MCP za 2018. Godinu	6
• Odsjek za Planiranje PMA	6
• Izvod iz plana za 2018.	6
• Izvještaj o realizaciji plana sa obrazloženjem	6
• Odsjek za kontrolu kvaliteta	8
• Izvještaj o realizaciji plana sa obrazloženjem	8
PA 2.1.	8
PA 2.2.	8
PA 2.3.	9
PA 2.4.	10
PA 2.5	10
Sektor za podršku i finansijske poslove	11
• Odsjek za finansijske poslove.....	11
OBRAZLOŽENJE RASHODA ZA PERIOD 01. 01. DO 31. 12. 2018. GODINE	11
• Odsjek za logističke poslove.....	14
• Odeljenje za informatičke poslove.....	15
• U izvještajnom period odsjek za informatičku podršku je ostvario sljedeće aktivnosti:.....	15
• Odsjek za pravne, personalne i opšte poslove	16
Normativno pravne aktivnosti odsjeka.....	16
5. Odluka u o stavljanju van snage odluke o standardima za tipove vozila na upotrebi u Centru za uklanjanje mina u Bosni i Hercegovini	16
Arhivsko i kancelarijsko poslovanja	16
Radni odnos.....	16
Sudski sporovi iz radnih odnosa.....	16
• Kabinet direktora	16
V.d. direktor BHMAC-a.....	16
Kabinet direktora	17

Uvod

Zakonska osnova

Na temelju člana IV.4.a) Ustava Bosne i Hercegovine, Parlamentarna skupština Bosne i Hercegovine na sjednici Doma naroda, održanoj 20. novembra 2001.godine, i sjednici Zastupničkog doma, održanoj 12. februara 2002., usvojila je ZAKON O DEMINIRANJU U BOSNI I HERCEGOVINI koji je objavljen u S.I. BiH Godina VI - Broj 5, Utorak, 12. marta 2002. godine

U Temeljnim odredbama Zakona definiše se u Clanu 1. da se ovim Zakonom uređuje organizaciona struktura za uklanjanje i izvidanje mina i neeksploziviranih ubojitih sredstava (u daljnjem tekstu: deminiranje) na području Bosne i Hercegovine, utvrđuju tijela nadležna za provođenje deminiranja, prava i obveze osoba koje obavljaju poslove deminiranja te nadzor nad provođenjem ovoga zakona, kao i koje aktivnosti se ne podrazumjevaju pod deminiranjem

Zakonom je takođe definisano i da su poslovi deminiranja, u smislu ovog zakona, poslovi od značaja za sigurnost Bosne i Hercegovine i zaštite okoliša i zdravlja ljudi, kao i da je osiguranje uvjeta za izvršenje dugoročnog zadatka deminiranja u nadležnosti vlasti Bosne i Hercegovine i vlasti entiteta.

Organizacijska struktura deminiranja u Bosni i Hercegovini sastojat će se od tijela na razini Bosne i Hercegovine, na razini entiteta i na međunarodnoj razini.

A. TIJELA NA RAZINI BOSNE I HERCEGOVINE

1. Komisija za deminiranje u Bosni i Hercegovini definisana je Zakonom kao centralno tijelo za poslove deminiranja, koju odlukom osniva Vijeće ministara Bosne i Hercegovine (u daljnjem tekstu: Vijeće ministara), utvrđuje njezin djelokrug rada i način financiranja. Komisija je u sastavu Ministarstva civilnih poslova i komunikacija i za svoj rad odgovara ovom ministarstvu. Zadatak koje Komisija obavlja su:

- a) predstavlja Bosnu i Hercegovinu na svim konferencijama, domaćim i međunarodnim, koje se odnose na akcije protiv mina, a naročito u međunarodnoj kampanji za zabranu kopnenih mina, te na stručnim konferencijama.
- b) odobrava Standarde za uklanjanje mina i neeksploziviranih ubojitih sredstava (u daljnjem tekstu: NUS) u Bosni i Hercegovini (u daljnjem tekstu: Standardi BiH);
- c) predlaže kvalificirane i kompetentne kandidate za mjesta direktora, pomoćnika direktora BHMAC-a i šefa finansija koje imenuje Vijeće ministara;
- d) na prijedlog direktora, odobrava interne propise za rad Centra za uklanjanje mina u Bosni i Hercegovini (u daljnjem tekstu: BHMAC-a);
- e) poboljšava suradnju između Federacije Bosne i Hercegovine i Republike Srpske;
- f) podnosi izvještaj Vijeću ministara i redovito izvještava Odbor donatora o aktivnostima Komisije, kao i napretku operacija deminiranja, sukladno izvještajima koje dostavi Centar za uklanjanje mina;
- g) obavlja i druge poslove sukladno odluci o osnivanju Komisije.

Takođe Zadatak komisije je i da, u suradnji sa Odborom donatora, drugih donatora organizira strukturu koja će usmjeravati sredstva za uklanjanje mina i omogućiti BHMAC-u da obavlja obimne i efikasne operacije humanitarnog uklanjanja mina. Komisija ima zadatak i da formira i vrši nadzor rada Centar za uklanjanje mina u Bosni i Hercegovini koji se osniva kao stručna služba Komisije (u daljnjem tekstu: BHMAC).

- BHMAC se osniva odlukom Vijeće ministara Bosne i Hercegovine i utvrđuje njegovu organizaciju kao i dužnosti koje će vršiti u ime Komisije.
- BHMAC ima urede u Banjoj Luci i Sarajevu koji za svoj rad odgovaraju BHMAC.

- BHMAC može osnovati privremeno i regionalne urede ako se za to ukaže potreba.

Poslovi dodjeljeni BHMAC

U ime Komisije BHMAC ce obavljati sljedece zadatke:

- održavati i voditi centralnu bazu podataka o minskim poljima i kapacitete za mape;
- predlagati tehnicke i sigurnosne standarde kao i standarde kvaliteta obavljenog posla za operacije deminiranja i predlagati certifikate na odobrenje Komisiji;
- pregledati dokaze o kvalificiranosti medunarodnih i domacih firmi za deminiranje za njihovu akreditaciju, koju ce odobriti Komisija;
- predlagati standarde za obuku koju ce odobriti Komisija, te pratiti i izvješćivati o njihovoj provedbi;
- pripremati prijedloge za rad na deminiranju podrucja koja su na meduentitetskoj crti razgranicenja, koje ce odobriti Komisija;
- pripremati planove rada i proracune za svoje aktivnosti, kao i izvješća i obracune, koje ce odobriti Komisija i nakon toga dostaviti Odboru donatora;
- obavljati i druge poslove sukladno aktu o osnivanju.

1. Ured/Kancelarija BHMAC-a obavlja sljedeće zadatke:

- vodi operacije upoznavanja s minama, obilježavanje mina, izvidanja i uklanjanja mina (u tehnickim standardima odobrenim od Komisije i koristeći se postojecom civilnom ekspertizom u strukturama unutar entitetskih vlada);
- osigurava podatke za centralnu bazu podataka o minskim poljima;
- koordinira aktivnosti na deminiranju s drugim operativnim agencijama, vodeći računa da se one bave odobrenim prioritetima i da rade sukladno odobrenim standardima;
- priprema prijedloge prioriteta za operacije deminiranja i izdaje radne zadatke u toku operacija deminiranja; vrši inspekciju, te, nakon završetka zadatka, vrši analizu kontrole kvaliteta i predlaže izdavanje certifikata o izvršenoj kontroli kvaliteta očišćenih površina;
- predlaže listu prioriteta zadataka vladi entiteta; ž
- pripremati planove rada, proracun, izvješća i obracune za prezentiranje vladi entiteta, BHMAC-u, Komisiji i Odboru donatora;
- obavljati druge zadatke sukladno aktu o osnivanju.

Centar za uklanjanje mina u BiH (nastanak i struktura)

Proces protivminskog djelovanja u BiH je započeo 1996. godine, kada su Ujedinjene nacije osnovale Centar za uklanjanje mina Ujedinjenih nacija—UNMAC. Centar je uspostavljen s ciljem izgradnje lokalne strukture za upravljanje procesom deminiranja i izgradnje lokalnih operativnih kapaciteta. Upravo te 1996. godine, kada je osnovan UNMAC, registriran je i najveći broj žrtava, skoro 50 mjesečno. U takvoj situaciji, protivminko djelovanje je opravdano naznačeno kao uvjet za povratak izbjeglica i raseljenih lica, rekonstrukciju i razvoj prirodnih i ekonomskih kapaciteta zemlje.

Nacionalne strukture su, jula 1998. godine, preuzele odgovornost za sprovođenje aktivnosti deminiranja, ali su nastavile primati finansijsku, stručnu i tehničku pomoć od međunarodne zajednice. Osnivaju se entitetski centri za uklanjanje mina RSMAC i FMAC i Centar za koordinaciju (BHMAC). Deminiranje i dalje uglavnom vrše strane agencije, ali razvijaju se i lokalni kapaciteti. Osnovna odgovornost i nadležnost je na Vijeću ministara i entitetskim vladama, koji preko svojih organa - Komisije za deminiranje i centara za uklanjanje mina - osiguravaju planiranje, koordinaciju, evidenciju i osiguranje kvaliteta operacija protivminskog djelovanja.

Donošenjem Zakona o deminiranju 2002. godine uspostavljena je centralna struktura BHMAC na državnom nivou pri Ministarstvu civilnih poslova. U istoj godini donesena je i prva Strategija protivminskog djelovanja 2002 – 2009. godine, što je značajno unaprijedilo funkcionalnost strukture, ali i osiguralo kvalitet, ekonomičnost i efikasnost cjelokupnog procesa.


Krajem 2004. godine, evaluacijom uspješnosti programa, zaključuje se da je Vizija iz prve Strategije bila suviše optimistična i nerealna, te da veličina i kompleksnost problema uveliko prevazilaze raspoloživa sredstva, tehnologije i podršku realizaciji istog. Značajno raste učešće lokalnih vlasti u finansiranju deminiranja, uz istovremeno postepeno smanjivanje donatorskih sredstava.

Dosadašnja iskustva ukazuju na veliku disproporciju između realnih potreba za protivminskim djelovanjem u BiH i mogućnosti zemlje. Ova Strategija je prilika za BiH da minsku prijetnju prevaziđe aktivnom inicijativom i odgovarajućim rješenjima koje sadržava Strategija 2009-2019. i uz podršku lokalnih vlasti i ključnih partnera iz vladinog i NVO sektora zemalja donatora, kao i stručnih međunarodnih institucija i organizacija.

Bosna i Hercegovina je 03. 12. 1997.godine potpisala Konvenciju o zabrani proizvodnje, upotrebe, stvaranja zaliha i transfera PP mina. Pomenutom Konvencijom je, između ostalog, preuzeta i obaveza da se očiste sva minirana područja najkasnije do marta 2009. godine. Vodeći se navedenim, Vijeće ministara je na 134. sjednici, održanoj 28.11.2006. godine, donijelo zaključak da se pristupi procesu evaluacije postojeće Strategije protivminskog djelovanja 2005-2009. kao i pripremi izrada novog strateškog dokumenta za period 2009-2019. godine, koji će predstavljati stručnu podlogu za podnošenje aplikacije za produženje roka za uklanjanje mina.

U skladu sa rezultatima evaluacije izvršenja važećih strateških i operativnih ciljeva, operativnog, finansijskog i plana resursa, kao i analizom statistike žrtava mina i opće procjene problema mina, može se zaključiti da je opća opasnost znatno umanjena, ali i da je potrebno još mnogo rada i vremena kako bi se proces uspješno okončao. Prva urgentna faza deminiranja urađena je, i pored svih okolnosti i prepreka, naročito očitovanih u nedostatku finansijskih sredstava. Prepoznata je potreba da se u narednom ciklusu od 10 godina (2009-2019) planira protivminsko djelovanje u skladu sa prioritetima i potrebama zemlje, kao i raspoloživim znanjima i tehnikama, što je sadržano u prijedlogu Strateškog plana za period 2009-2019.

Struktura BH MAC-a



Programi i projekti	Nosilac aktivnosti	Pokazatelji rezultata						Troškovi	Izvori finansiranja				Planirani kvartal za provedenje
		Pokazatelj rezultata	broj ili mjerenje (%)	Polazna vrijednost (n)	Ciljana vrijednost (n+1)	ost	Budzet		Krediti	Donacije	Ostali izvori	Ukupno	
1	2	3	4	5	6	7	8	9	10	11	12	13	
P.1	BHMIC	P.1 Planiranje i projektovanje				3309250.7	3309250.7				3309250.7		
PA1.1	BHMIC	Priprema projekata	KM 2	17	70.5	1750535.4	1750535.4				1750535.4		
PA1.2	BHMIC	Obilježavanje sumnjive opasne površine	KOM	2,621	9000	125038.24	125038.24				125038.24		
PA1.3	BHMIC	Priprema ili revizija Operativnih planova za minski ugrožene zajednice	KOM	16	18	1156603.7	1156603.7				1156603.7		
PA1.4	BHMIC	Izdavanje stručnih mišljenja za površinu bez vidljivog rizika	KOM	50	70	277073.38	277073.38				277073.38		
P2	BHMIC	P.2: Osiguranje kvaliteta				2635749.3	2635749.3				2635749.3	53%	
PA 2.1	BHMIC	Broj inspeksijskih i stručnih nadzora na terenu	KOM	2591	4,000	1986403	1986403				1986403		
PA 2.2	BHMIC	Akreditirani organizacija	KOM	19	10	110829.35	110829.35				110829.35		
PA 2.3	BHMIC	Testiranje resursa deminerskih organizacija (prega, MD, zaštitne opreme)	KOM	2284	1,500	110829.35	110829.35				110829.35		
PA 2.4	BHMIC	Obaviti unutrašnjih kontrola	KOM	36	90	150614.25	150614.25				150614.25		
PA 2.5	BHMIC	Odgovoriti zahtjeva deminerskih organizacija	KOM	118	200	277073.38	277073.38				277073.38		
			Ukupno				5945000	5945000				5945000	101%
			UKUPNO									277073.38	77%

Sektor za operacije

Prilog za izvještaj MCP za 2018. Godinu

Odsjek za Planiranje PMA

Izvod iz plana za 2018.

P.1	BHMAC	P1 Planiranje i projektovanje	JMjer	Ostvar	Plan	Reali. %
PA1.1	BHMAC	Priprema projekata	KM 2	17	70.5	24%
PA1.2	BHMAC	Obilježavanje sumnjive opasne površine	KOM	2,621	9000	29%
PA1.3	BHMAC	Priprema ili revizija Operativnih planova za minski ugrožene zajednice	KOM	16	18	89%
PA1.4	BHMAC	Izdavanje stručnih mišljenja za površinu bez vidljivog rizika	KOM	50	70	71%
						53%

Izveštaj o realizaciji plana sa obrazloženjem

Trenutna veličina sumnjive opasne površine na mine u BiH iznosi 1.018. km² ili 1,98% u odnosu na ukupnu površinu BiH¹. Od početka protivminskog djelovanja u BiH od 1996. godine sumnjiva opasna površina je smanjena za 3.189km².

Kroz operacije sistematskog izviđanja definisano je 8.525 sumnjivih mikrolokacija na kojima je procjenjuje se zaostalo oko 79.000 mina/ESZR.

Trenutna veličina sumnjive opasne površine na kasetnu municiju u BiH iznosi 6,59 km², od čega je 3,3 km² kombinovana sumnjiva opasna površina na mine i kasetnu municiju.

ADMINISTRATIVNI NIVO	Ukupna sumnjiva opasna površina na mine (km ²)	Sumnjiva opasna površina na mine/kategorija prioriteta (km ²)			Sumnjiva opasna površina na kasetnu municiju (km ²)
		I kategorija	II kategorija	III kategorija	
UNSKO-SANSKI KANTON	100.72	41.77	40.37	18.58	0.08
POSAVSKI KANTON	17.76	5.18	10.51	2.07	0.00
TUZLANSKI KANTON	78.82	17.79	18.48	42.55	0.74
ZENIČKO-DOBOJSKI KANTON	118.65	30.37	15.40	72.88	2.14
BOSANSKO-PODRINJSKI KANTON	45.32	5.15	9.35	30.82	0.00
SREDNJE-BOSANSKI KANTON	122.75	26.12	41.08	55.55	1.78
HERCEGOVAČKO-NERETVANSKI KANTON	150.80	15.82	26.16	108.82	0.00
ZAPADNO-HERCEGOVAČKI KANTON	0.31	0.00	0.00	0.31	0.00
KANTON SARAJEVO	68.86	20.38	13.21	35.27	0.38
KANTON 10	75.59	10.06	11.56	53.97	0.35
FEDERACIJA BIH	779.58	172.64	186.12	420.82	5.47
REPUBLIKA SRPSKA	223.91	67.11	84.32	72.48	1.12
DISTRIKT BRČKO	14.69	1.44	10.22	3.03	0.00
BOSNA I HERCEGOVINA	1,018.18	241.19	280.66	496.33	6.59

Kroz operacije sistematskog izviđanja definisane su 203 sumnjive mikrolokacije na kasetnu municiju na kojima je procjenjuje se zaostalo oko 1.500 komada kasetne podmunicije/ESZR.

U 2018. godini u BiH je registrovana su 3 minska incidenta, u kojima je 1 lice smrtno stradalo, 1 lice teže povrijeđeni i 2 lica lakša povrijeđena. U minskom incidentu na području Gornji skipovac-Topalović Vis, od dejstva mine PROM-1, stradalo je 16 ovaca. U općini Zavidovići rejon Vozuče, desila se minska nesreća sa jednim smrtnim ishodom i jednim ranjavanjem sa teškim posljedicama.

¹ Prema prvoj procjeni Centra za uklanjanje mina u BiH iz 1998. godine, sumnjiva opasna površina na mine u BiH je iznosila 4,2 km² ili 8,2% od ukupne površine BiH.

Radi se o lovcima koji su ušli u obilježenu sumnjivu površinu. Dva lica su svojevolumno ušla u obilježeno minsko polje sa traktorom u mjestu Kasetići, rejon Hadžići i tom prilikom su lakše povrijeđena od dejstva mine PROM-1

Od 1992. godine, od mina/ESZR/kasetne municije u BiH su stradale 8.386 osobe. U ratnom periodu (1992-1995. godina) stradale su 6.354 osobe, dok su u poslije ratnom periodu stradale 1.758 osobe, od čega 614 osoba smrtno. Za 274 osobe nije poznata tačna godina stradanja. Od ukupnog broja stradalih, od kasetne municije stradale su 232 osobe, od čega 43 osobe smrtno. Od ukupnog broja stradalih u poslije ratnom periodu, 185 žrtava su žene ili 10%, a 250 žrtava su djeca ili 14%. Prilikom obavljanja poslova humanitarnog deminiranja u BiH je stradao 121 deminer, od čega 51 deminer smrtno.

Datum	Opština	Aktivnost prilikom stradanja	Mina/kasetna municija/ESZR	Smrtno stradali	Povrijeđeni	Pol	Dob
23.05.2018	Gračanica	Minski incident, stradalo 16 ovaca					
28.07.2018	Zavidovići	Lov	PP mina	1	1	M	19-60
19.09.2018	Hadžići	Prikupljanje ogrjeva	PP mina - PROM-1		2	M	19-60

Projekat „OPĆA PROCJENA SUMNJVIVIH PODRUČJA U BiH 2018-2019“

U periodu od augusta 2018. godine do decembra 2019. Godine Projekat „Opća procjena sumnjivih područja u BiH 2018 - 2019“ zajednički će provoditi Centar za uklanjanje mina u Bosni i Hercegovini, Oružane snage BiH i Norveška narodna pomoć (NPA), a realizacija istog planirana je u periodu od augusta 2018. godine do decembra 2019. godine.

Projekat će biti finansiran od strane Evropske komisije kroz hitne grantove u iznosu od 900.000 eura, a provodit će ga 14 timova za netehničko izviđanje (BHMAC-a - 9, Oružanih snaga BiH - 2 i Norveške narodne pomoći - 3).

Cilj ovog projekta je povećanje efikasnosti u protivminskim djelovanjima u Bosni i Hercegovini kroz implementaciju poboljšane opće procjene minske situacije, a u cilju postavljanja nove osnove kroz primjenu netehničkog i tehničkog izviđanja.

Ovim će se osigurati nova osnova za realno planiranje protivminskog djelovanja, u cilju izrade plana za realizaciju Strategije protivminskog djelovanja 2018. - 2025. i pripremu konačnog zahtjeva za ispunjavanje obaveza iz člana 5 Otavske konvencije.

Shodno Sporazumu o partnerstvu o provedbi projekta v.d. Direktor BHMAC-a a u skladu sa formirao je su projektne timove: Izvršno - rukovodni tim od 6 članova, Tim za nadzor od 5 članova, Devet Izviđačkih timova po 3 člana.

U 2018. Godini, održana su dva ciklusa obuke za kompletno operativno osoblje uključeno u implementaciju projekta i to: 08-12.10.2018 i 22-26.10.2018. godine, i nabavljena je i podijeljena oprema koja je planirana za uspješnu realizaciju ovog projekta.

U 2018. godini operacije tehničkog izviđanja i čišćenja mina izvedene su na 173 zadatka sa i na kraju izvještajne godine certifikovana površina iznosi 5,964,804 m².

U navedenim operacijama pronađeno je i uništeno 2,101 protivpješadijska mina/od toga 1,467 PP mina kao rezultat čišćenja mina MSP/, 57 protivtenkovskih mina i 1,974 komada ESZR. Prosjek pronađenih mina po hektaru iznosi: 14.2 mina/ha.

Odsjek za kontrolu kvaliteta

P2	BHMAC	P 2: Osiguranje kvaliteta	JMjer	Ostvar	Plan	Reall. %
PA 2.1	BHMAC	Broj inspekcijskih i stručnih nadzora na terenu	KOM	2591	4,000	65%
PA 2.2	BHMAC	Akreditirani organizacija	KOM	19	10	190%
PA 2.3	BHMAC	Testiranje resursa deminerskih organizacija (prega, MD, zaštitne opreme)	KOM	2284	1,500	152%
PA 2.4	BHMAC	Obaviti unutrašnjih kontrola	KOM	36	90	40%
PA 2.5	BHMAC	Odgovoriti zahtjeva deminerskih organizacija	KOM	118	200	59%
					UKUPNO	101%

Izveštaj o realizaciji plana sa obrazloženjem

PA 2.1.

Prema izvodu iz baze podataka BHMAIS na zadacima čišćenja i tehničkog izviđanja realizovano je 1504 inspekcijska i stručna nadzora.

Na zadacima tehničkog izviđanja i čišćenja u procesu vraćanja površine (Land Release koncept) realizovano je 1087 inspekcijska i stručna nadzora.

Ukupno je realizovano 2591 inspekcijski i stručni nadzor od planiranih 4000 što predstavlja 65% ispunjenja plana.

Obrazloženje:

Učestalost posjeta inspekcijskih organa deminerskim radilištima definisana je Standardom za uklanjanje mina i NUS-a u BiH.

Na taj način broj inspekcijskih i stručnih nadzora zavisi od obima realizovanih poslova deminiranja u BiH to jest od obezbjeđenih finansijskih sredstava za deminiranje.

PA 2.2.

U 2018. godini pozitivno je riješeno (produženje/dopuna)19 zahtjeva zahtjeva deminerskih organizacija za produženje i dopunu akreditacija, I to.

1. DETEKTOR D.O.O.
2. EKO-DEM
3. POINT D.O.O.
4. PAZI MINE
5. UG DEMIRA- PRODUŽENJE I DOPUNA
6. OSBiH
7. FUCZ
8. HO PRO VITA
9. UEM
10. NPA
11. RUCZ RS
12. UEM D.O.O.
13. CENTAR ZA OBUKU PASA
14. POSAVINA BEZ MINA
15. CZ BRČKO

- 16. UDRUŽENJE TRENING TIM
- 17. N&N IVŠA
- 18. STOP MINES

PA 2.3.

TESTIRANJA

1. Testiranje metal detektora

Prema godišnjem planu rada za 2018. godinu planirano je da se izvrši testiranje 1030 metal detektora kod deminerskih i monitorskih organizacija u cilju obnove akreditacija i redovne godišnje provjere.

Izvršeno je testiranje 949 metal detektora ili 92 % planiranog, a preostalih 81 metal detektor nisu testirani jer su organizacije odustale od testiranja zbog neispravnosti ili dotrajalosti.

Testiranje je izvršeno kod 15 deminerskih organizacija. Kod 14 organizacija izvršeno je testiranje radi obnove akreditacije, a kod jedne organizacije izvršeno je testiranje nakon nabavke novih metal detektora.

Testiranjem je utvrđeno da je 903 metal detektora ili 95 % ispravno, a 46 metal detektora ili 5 % nisu ispravni.

2. Testiranje prega

Prema godišnjem planu rada za 2018. godinu planirano je 100 testiranja prega.

Testiranje prega izvršeno je kod 15 organizacija. Ukupno, u toku godine u dva šestomjesečna ciklusa izvršeno je 110 testiranja prega sa sljedećim rezultatima:

- U prvom šestomjesečnom ciklusu (januar-jun) ukupno je izvršeno 60 testiranja sa 56 prega. Test je položilo 51 prega, a pet prega nije položila test. Od 51 prege koje su položile test 47 prega je zadovoljila test u prvom pokušaju ili 92 %, a pet prega iz drugog pokušaja ili 8 %.
- U drugom šestomjesečnom ciklusu (juli-decembar) izvršeno je 50 testiranja prega. Testu je pristupilo 45 prega, od kojih je 37 ili 82,2 % uspješno položile test, a osam prega ili 17,8 % nisu položile test. Od 37 prega koje su položile test 34 prege su zadovoljile test u prvom pokušaju ili 92 %, a tri prege iz drugog pokušaja ili 8 %.

U toku godine ukupno je testirano 64 prege od kojih su 63 prege imale u toku godine akreditaciju, a 28 prega su imale akreditaciju u oba ciklusa.

Kontrola internih mjesečnih testiranja nije vršena, a kontrola kapaciteta prega izvršena je kod 11 organizacija.

Na poligonu za testiranje prega u kasarni „Božan Šimović“ u Čapljini izvršena je promjena minske situacije. Deset testiranja prega je izvršeno više u odnosu na plan zbog toga što nisu predviđene prege nove POEK organizacije.

3. Testiranje mašina

U 2018. godini planirana je godišnja provjera karakteristika za 31 mašinu.

U procesu obnove akreditacije izvršena je godišnja provjera karakteristika za 28 mašina ili 90 % od planiranog. Godišnja provjera karakteristika za tri mašine nije izvršena jer organizacije nisu prijavile mašine za obnovu akreditacije (jedna mašina dotrajala i isključena iz upotrebe, a dvije na popravci).

Odobrenje za rad ima 31 mašina.

- sa standardnim uznemiravanjem tla 22 mašine,
- za uklanjanje vegetacije 2 mašine i
- za uklanjanje otpada 7 mašina.

4. Pregled i procjena upotrebljivosti opreme za PMA

Godišnjim planom u 2018. godini planiran je pregled i procjena upotrebljivosti opreme i sredstava kod 15 organizacija radi obnove akreditacije.

Pregled i procjena upotrebljivosti opreme i sredstava je izvršena kod 15 organizacija, a kod tri organizacije izvršen je pregled nove lične zaštitne opreme.

5. Ostale aktivnosti:

Pored navedenih poslova izvršene su sljedeće aktivnosti:

- izrada mjesečnih i kvartalnih izvještaja i planova rada,
- izrada godišnjeg plana i izvještaja o radu,
- pregled SOP-ova deminerskih organizacija i izrada odobrenja,
- ažuriranje evidencije o stanju mina na poligonima kod POEK organizacija i BH MAC-a,
- izrada i izdavanje planova, zapisnika i odobrenja za rad za testirane mašine, metal detektore, prege i opremu,
- izrada i izdavanje akreditacija za mašine i prege,
- unos i ažuriranje baze podataka za metal detektore, prege i mašine,
- nadzor i održavanje poligona za testiranje prega BHMAL,
- evidentiranje prijavi i izvještaja o provedenim internim mjesečnim testiranjima prega i
- priprema podataka o resursima za tender.

U skladu sa rješenjem o uspostavljanju i vođenju knjiga evidencije vršeno je vođenje jedne knjige UP-1 za predmete koji se odnose na donošenje rješenja o odobrenju za rad resursa za deminiranje, knjige evidencije poligona za testiranje prega deminerskih organizacija i BHMAL-a i knjige evidencija izdatih akreditacija za mašine i prege.

Rješavajući zahtjeve za dobijanje odobrenja za rad resursima (deminerskih i monitorskih organizacija) u izvještajnom periodu evidentirano 107 predmeta koji su riješeni.

PA 2.4.

Unutrašnja kontrola je kroz kontrole MSP, zadataka u progresu i zaostalih mina izašla 36 puta na teren. Kontrole MSP koje smo vršili kroz kontrolu dokumentacije i učešća u timovima za kontrolu kvaliteta formiranih za proces NTI.

PA 2.5

Od planiranih 200 odgovora po zahtjevima deminerskih organizacija realizovano je 118 odgovora uglavnom vezanih za strukturu ili za stečeno iskustvo u radu zbog natječaja. Drugi dio odgovora je bio kroz produženje i dopunu akreditacije u 2018 godini.

Broj odgovora je zavisi od broja dostavljenih zahtjeva od strane deminerskih organizacija.

Planiran za 2018. godinu je načinjen na osnovu iskustva o broju podnesenih zahtjeva prethodnih godina.

Sektor za podršku i finansijske poslove

Odsjek za finansijske poslove

OBRAZLOŽENJE RASHODA ZA PERIOD 01. 01. DO 31. 12. 2018. GODINE

Prema Zakonu o budžetu institucija BiH za 2018. godinu ukupno odobrena sredstva za finansiranje Centra za uklanjanje mina u BiH (BHMACH) iznose KM 5.945.000,00.

Pored sredstava iz budžeta institucija BiH u 2018 godini BHMACH je podnio Zahtjev za prenos neutrošenih sredstava iz Projekta "Land Release", čija je realizacija završena 30.06.2016. godine.

Centar za uklanjanje mina u BiH zaključio je krajem 2012. godine sa Direkcijom Evropske komisije u BiH ugovor o grantu za Projekat "Land Release" u iznosu EURO 1.600.000,00, u kome učešće Evropske komisije iznosi EURO 1.200.000,00, a BHMACH-a EURO 480.000,00. Period realizacije bio je 2013-2015. Godina, odnosno produženje do 30.06.2016.godine, a projekat se finansirao iz predpristupnih fondova IPA 2011.

TEKUĆI TROŠKOVI

Troškovi plata

Budžetom za 2018. godinu odobren je broj zaposlenih od 183, što je niže od broja sistematizovanih radnih mjesta utvrđenih Pravilnikom o unutrašnjoj organizaciji BHMACH-a (185 izvršilaca).

Budžet za plate i naknade plata za 2018. Godinu iznosio je KM 4.706.000,00 a realizovan sa KM 4.424.700,00

Dodatak na platu za operativno osoblje BHMACH-a specifično je regulisan odlukom Vijeća ministara Broj: 28/09 od 12.02.2009. godine i primjenjuje se samo za efektivno vrijeme koje ovo osoblje provede na poslovima inspekcije i poslovima izviđanja.

Za informatičare dodatak na platu isplaćen je na osnovu odluke Vijeća ministara BiH („Službeni glasnik BiH“ br. 63/10).

Troškovi bruto plata i naknada planirani su u iznosu KM 4.013.000,00 i ostvareni su sa KM 3.787.716,00, odnosno 94,4% u odnosu na odobrena sredstva zbog:

- Fluktuacije radne snage koja je imala uticaj na izvršenje ovih rashoda
- Trajanja postupaka popune radnih mjesta

U izvještajnom periodu redovno je vršen obračun i isplata plata.

Troškovi naknada zaposlenih

Troškovi bruto naknada zaposlenih ostvareni su u iznosu KM 693.000,00.- ili 91,9% u odnosu na odobrena sredstva. Isplaćene su naknade koje su predviđene Zakonom o platama i naknadama u institucijama BiH, a na osnovu podzakonskih akata za pojedine vrste naknada zaposlenih koje je donijelo Vijeća ministara, te pojedinačnih rješenja koje je donio rukovodilac institucije. Osnovni razlozi odstupanja rashoda u odnosu na planirane jesu manje isplaćene naknade za prevoz na posao i sa posla i topli obrok (zbog bolovanja, porodijskog odsustva, službenih putovanja, plaćenog odsustva i sl.), odstupanja od planirane dinamike zapošljavanja za 2018. godinu (razlozi navedeni pod tačkom 1.)

Putni troškovi

Aktivnosti protivminskog djelovanja u BiH direktno su uticale na izvršenje ovih rashoda. U skladu sa preporukom o potrebi maksimalne racionalizacije rashoda, u operativnim jedinicama izvršena je racionalizacija, bolje planiranje i organizacija službenih putovanja, što je za rezultat imalo smanjenje rashoda na ovoj budžetskoj stavci.

U izvještajnom periodu putni troškovi su realizovani u iznosu KM 32.775,00.- ili 81,9 % u odnosu na odobrena sredstva

Određeni dio troškova službenih puteva u inostranstvo snosio je BHMACH, a ne organizatori seminara/konferencija na koje su pozvani predstavnici BHMACH-a. Izdaci telefonskih i poštanskih usluga U ukupnom iznosu ostvareni su u iznosu KM 57.272,00- ili 78,5 %. Potrošnja u ovom segmentu je regulisana je internim aktima, u skladu sa Pravilnikom o korištenju telefona ("Službeni glasnik BiH" br. 26/14), a svako prekoračenje odobrenog limita se obračunava i refundira od plata zaposlenih.

Izdaci za energiju i komunalne usluge

Ukupni troškovi ostvareni su u iznosu KM 99.856,00.- ili 90,8 % u odnosu na odobrena sredstva, a odnose se na rashode za 8 lokaliteta na kojima BHMACH ima svoje organizacione jedinice.

Nabavka materijala

Troškovi nabavke kompjuterskog materijala (konto 613412) planirani su u iznosu KM 7.000,00, a realizovani su u iznosu KM 6.845,00 odnosno 97,8%, kancelarijskog materijala (konto 613417) sa 77,6 %, nabavka auto guma sa 58,2%. Manja realizacija auto guma rezultat je saobraćajnih nesreća, u kojima je nastala totalna šteta, te se zbog navedenog nisu nabavile auto gume za ta vozila. Također, određeni broj vozila je pokvareno i nije ekonomično popravljati ista, stoga za navedena vozila nisu napravljene gume. Na pojedinim automobilima istrošenost guma nije zahtijevala izmjenu i na taj način smo doveli do uštede na ovoj stavci. Izdaci za odjeću, uniforme i platno (konto 613481) sa 95%, materijal za čišćenje (konto 613484) sa 93,8% i sitan inventar sa 87,4%.

Na ostvarene rashode u potrošnji materijala dijelom su uticale mjere veće kontrole i racionalizacije potrošnje, a dijelom kašnjenja sa početkom procedura javnih nabavki, ponavljanje postupaka i sl.

Ukupni rashodi iz budžetskih sredstava na ovoj stavci iznose KM 80.280,00 ili 87,3% u odnosu na odobrena sredstva.

Izdaci za usluge prevoza i goriva

Ukupno ostvareni izdaci za usluge prevoza i goriva iz budžetskih sredstava iznose KM 137.683 ili 76,1 % u odnosu na budžetom odobrena sredstva. U navedeni iznos uključeni su i troškovi registracije vozila u iznosu KM 17.051,00 odnosno 68,2% uključujući i tehničke preglede vozila.

Troškovi benzina realizovani su u iznosu KM 12.207,00 ili 43,6%, a dizela u iznosu KM 102.276,00 ili 85,2%. Osnovni razlozi što su ovi rashodi ostvareni ispod planiranih su:

- Operacije protuminskih aktivnosti nisu se realizovale u planiranom obimu, (manji obim operacije deminiranja i drugih protivminskih akcija);
- Promjena tržišne cijene goriva;

Troškovi zakupa

Troškovi zakupa plaćeni su na osnovu ugovora o zakupu za 8 lokacija na kojima su smještene organizacione jedinice BHMACH-a kao i za zakup zemljišta za skladišni prostor (kontejneri) na Palama, te za zakup test poligona u Lukavici. U Tuzli i Mostaru postoje samo troškovi skladišnog prostora i troškovi parkinga za vozila koja ovi uredi koriste.

Sa 31.12.2018. godine ovi rashodi ostvareni su u ukupnom iznosu KM 345.483,00.- ili 99,6% u odnosu na odobrena sredstva za ove namjene.

Izdaci za tekuće održavanje

Materijal za opravku i održavanje zgrada (konto 613711) ostvareni su sa 49,7%, dok je za usluge opravki i održavanja zgrada (konto 613721) utrošeno 92,2% a odnose se na manje popravke na poslovnom prostoru, kao i preglede PP aparata u objektu.

Troškovi održavanja opreme (konto 613712 i konto 613722) odnose se na opravke kompjuterske opreme (radne jedinice, printeri, ploteri, skeneri), uredske opreme (kopir aparati), elektronske opreme (klima uređaji i GPS uređaji), održavanja komunikacijske opreme, opreme kojom se služe timovi za izviđanje terena i kontrolu deminiranja. Materijal za opravku i održavanje opreme je realizovan u iznosu 20,50%, dok je usluga opravke i održavanja opreme realizovana sa 35,7%. Manja realizacija troškova materijala je rezultat potpisivanja ugovora sa firmom za održavanje printera tokom 2017.godine, čime je ostvarena ušteda na navedenoj stavci.

Materijal za opravku i održavanje vozila (konto 613713) realizovani je sa 58,7%, a usluga opravke i održavanja vozila (konto 613723) je realizovana sa 74,5 %, zbog smanjenja broja vozila i provođenja mjera štednje u korištenju vozila, a na osnovu preporuka revizije.

Rashodi za pranja vozila (konto 613726) realizovani su sa 48,4%.

Ostali materijal za tekuće održavanje (konto 613718) ostvaren je sa 5,1%,

Ostale usluge tekućeg održavanja (konto 613728) ostvaren je sa 19,8%.

Ukupni izdaci za tekuće održavanje iz budžetskih sredstava realizovani su iznosu KM 89.065,00 ili 49,2%.

Izdaci za osiguranje i troškove platnog prometa

Kao što je i planirano, u ovoj budžetskoj stavci su rashodi vezani za osiguranja vozila i osiguranje osoblja od minske nesreće (osoblje BHMACE-a koje je uključeno u protuminske aktivnosti na terenu, a prema Zakonu o deminiranju u BiH).

Troškovi osiguranja vozila (konto 613813) u 2018. godini iznose KM 21.011,00 i realizovani su sa 91,4%.

Troškovi osiguranja zaposlenih od minske nesreće (konto 613816) iznose KM 23.218,00. a ostvareni su sa 92,9%.

Troškovi osiguranja zaposlenih pri odlasku na službeni put ostvarena su u iznosu od 49,00 KM.

Ukupni rashodi ostvareni su sa KM 44.279,00 ili 92,2% u odnosu na odobrena budžetka sredstva.

Ugovorene i druge posebne usluge

Od troškova koji pripadaju ovom segmentu budžeta najznačajniji su:

- Troškovi štampanja - konto 613912 (promotivni materijal) - ostvareni sa 97 %;
- Troškovi informisanja i odnosa sa javnošću (konto 613913) - ostvareni sa 7 %.
- Troškovi reprezentacije (konto 613914) - ostavreni sa 77,7%,
- Usluge objavljivanja tendera i oglasa (konto 613915) odnose se na troškove oglašavanja za javne nabavke i zapošljavanje, a realizovani su sa 95,5% ,
- Ostali izdaci za informisanje (konto 613919) odnose se na troškove nabavke službenih glasila i dnevne štampe, a realizovani sa 67%;
- Usluge stručnog obrazovanja (konto 613922) odnose se na seminare za javne nabavke i oblast finansija, realizovani su sa 83,8%;
- Izdaci po osnovu ugovora o djelu (konto 613971) odnose se na angažovanje informatora za pribavljanje podataka o minskim situacijama na određenim lokacijama, za angažovanje konsultanata za projekte, sudskih vještaka, realizovani su sa 27,3% u odnosu na planirana i odobrena sredstva.
- Izdaci za usluge po osnovu ugovora o djelu (konto 613981) realizovani su sa 38,8%.
- Doprinosi po osnovu ugovora o djelu (konto 613985) realizovani su sa 36,1%.
- Ostale nespomenute usluge i dadžbine (konto 613991) realizovane su sa 73% .

- Troškovi preuzimanja ugostiteljskih usluga i smještaja (konto 613995) realizovani su u iznosu KM 9.393,00.- odnosno 93,9%.

U ukupnom iznosu rashodi iz budžeta za ugovorene i druge posebne usluge ostvareni su u iznosu KM 58.163,00- ili 66,9% u odnosu na odobrena sredstva.

KAPITALNI IZDACI

U 2018. godini nabavka kapitalnih izdataka planirana je iz sredstava budžeta u iznosu KM 80.000,00. Iz odobrenih budžetskih sredstava nabavljena je oprema koja je odobrena kroz namjensku strukturu kapitalnih izdataka za 2018. godinu.

Rashodi za kapitalne uzdatke iz budžetskih sredstava ostvareni su u iznosu KM 78.710,00.- ili 98,4% u odnosu na odobrena budžetska sredstva.

Ukupni rashodi iz budžetskih sredstava za BHMACH sa 31.12.2018. godine iznose KM 5.448.267,00, a realizovani su sa 91,6% u odnosu na odobrena sredstva za 2018. godinu.

PROGRAMI POSEBNE NAMJENE

Kako je naprijed navedeno BHMACH i Delegacija Evropske komisije u BiH zaključili su ugovor o realizaciji Projekta „Jačanje povjerenja kroz deminiranje i očuvanje kulturne baštine“, a jedan dio sredstava iz ovog projekta namjenjen je deminiranju nekoliko lokacija u BiH, tzv. Projekat „Land Release“.

Dana 02.01.2013. godine EK iz Brisela uplatila je sredstva za ovaj projekat u iznosu EURO 575.225,80 (KM 1.125.043,88), a sredstva su doznačena na projektni račun.

Početkom 2013. godini BHMACH je primio prvu tranšu granta u iznosu KM 1.125.043,88, od čega su u 2016. godinu prenesena nerealizovana sredstva u iznosu KM 735.198.-

U 2016. godini nastavljena je implementacije projekta u svim segmentima predviđenom dinamikom. Tokom ovog izvještajnog perioda, fokus je bio na operativnim aktivnostima iz faze II, priprema minski sumnjivog područja za metode tehničkog tretman. Operativne aktivnosti iz faze III su kontinuirano provođene u 5 minski sumnjivih područja od strane BiH akreditovanih organizacija za humanitarno deminiranje. U 2016. godini, konačni nacrt 3. poglavlja standarda je finaliziran i ažuriran u skladu sa standardima iz 2014. i naučenim lekcijama iz pilot lokacija tretiranih u 2014. godini Standardi su proslijeđeni Komisiji za deminiranje na usvajanje. Izvještajni period karakteriše ubrzanje procesa nabavke angažmanom vanjskog konsultanta u skladu sa projektom.

Realizacija Budžeta za 2018.godinu:

•Bruto plate i naknade plata	KM	3.787.716,00
•Naknade troškova zaposlenih	KM	636.983,00
•Materijalni troškovi	KM	944.857,00
•Kapitalni izdaci	KM	78.710,00
UKUPNO:	KM	5.448.267,00

Odsjek za logističke poslove

Obavlja stručne i administrativne poslove i poslove koji se odnose na nadležnost odjela.

Na osnovu člana 17. Zakona o javnim nabavkama BiH ("Službeni glasnik BiH", broj 39/14), u skladu sa Zakonom o budžetu institucija Bosne i Hercegovine i međunarodnim obavezama Bosne i Hercegovine i odobrenjem Ministarstva finansija i trezora u odnosu na specifičnu strukturu kapitalnih investicija za 2018. pripremljen je Plan nabavki za 2018. godinu.

Planom nabavke za 2018. planirano je 44 javnih nabavki. 2 otvorene procedure, 1 pregovarački postupak, 8 konkurentnih zahtjeva za podnošenje ponuda, 26 direktnih sporazuma i 7 postupaka u skladu sa pravilima za usluge koje nisu prioritetne (Aneks II, dio B).

Pored navedenog održao je veći broj sastanka sa međunarodnim donatorima, predstavnicima međunarodnih organizacija u BiH, ambasadama drugih država u BiH, radi unaprijeđenja finansiranja i podrške procesima protivminskih akcija u BiH.

Kabinet direktora

Vršio je sve obaveze utvrđene aktima BHMAC-a i to:

Organizovanje i vršenje svih stručnih i administrativno-tehničkih poslova za potrebe direktora i pomoćnika direktora. Vršenje poslova na prijemu i tehničkom kompletiranju svih materijala iz nadležnosti osnovnih organizacionih jedinica koji se dostavljaju direktoru na razmatranje i odlučivanje. Organizovanje aktivnosti na održavanju sjednica Stručnog kolegija, vođenje zapisnika o sjednicama i dostavljanje članovima Stručnog Kolegija - pomoćnicima direktora i šefovima/zamjenicima osnovnih organizacionih jedinica na realizaciju. Organizovanje protokolarnih aktivnosti prilikom službenih posjeta. Vršenje drugih poslova iz nadležnosti kabineta po nalogu direktora i pomoćnika direktora;

Pored navedenog Kabinet direktora imao je značajno učešće u organizovanju predstavljanja i promocije BHMAC-a i protivminskog djelovanja u medijskom prostoru. Povodom obilježavanja 4. aprila - Međunarodnog dana borbe protiv mina Centar za uklanjanje mina u BiH je podržao i učestvovao u izradi dokumentarnog filma "Ranjena zemlja" koji je edukativnog karaktera, a izrađen je u saradnji Digi produkcije i Televizije Sarajevo. Sama činjenica da žrtve mina govore o svom stradanju i životu nakon toga predstavlja jedan vid upozorenja na opasnost od mina. Centar za uklanjanje mina u BiH je u izvještajnom periodu bio na raspolaganju predstavnicima lokalnih i međunarodnih medijskih kuća u cilju širenja poruka o problemu mina/ESZR/kasetne municije u BiH. U 2018. godini web stranica: www.bhmac.org bila je u službi javnog informisanja o svim značajnim stavkama protivminskog djelovanja u BiH.

Izvršene su mnogobrojne aktivnosti na uvođenju i unaprijeđenju sistema internih kontrola, odnosno finansijskog upravljanja i kontrole.

Predstavnici Centra za uklanjanje mina u BiH u sklopu delegacije BiH aktivno su učestvovali na 21. sastanku direktora centara za uklanjanje mina i UN savjetnika, Polugodišnjem sastanku zemalja potpisnica Otavske konvencije i 17. sastanku zemalja potpisnica „Otavske Konvencije“ koji su održani u Ženevi. Predstavnici Centra za uklanjanje mina u BiH su takođe učestvovali i na „28. sastanku SEEMAC-a“ koji je održan u sklopu „15. Međunarodnog simpozija o humanitarnom deminiranju“ u Slanom, Hrvatska.

U Brčkom, je održan je regionalni sastanak na temu regionalne saradnje duž graničnog pojasa i po mogućnosti izrade zajedničkih projekata iz ove oblasti. Sastanku organizovanom od strane Hrvatskog centra za razminiranje (HCR) prisustvovali su direktori i predstavnici Centra za razminiranje Srbije, Direktorata za vanredne situacije Crne Gore i Centra za uklanjanje mina u BiH.

U Sarajevu je u periodu 18 -19.10.2018. godine održana Konferencija “Humanitarno deminiranje u BiH - put ka završetku”. U pitanju je dijaloška konferencija, koju je organizovalo Ministarstvo civilnih poslova BiH u saradnji sa Komisijom za deminiranje i Centrom za uklanjanje mina u BiH, a pod pokroviteljstvom Odluke Vijeća Evropske Unije i Jedinice za implementaciju Konvencije o zabrani upotrebe protivpješadijskih mina. Ovom događaju prisustvovali su svi nosioci protivminskih aktivnosti u našoj zemlji, uključujući državne institucije, NVO, privatni sektor i predstavnike međunarodnih i domaćih organizacija uključenih u rješavanje ovog problema. Cilj Konferencije je bio podizanje interesa za program protivminskog djelovanja u Bosni i Hercegovini i razmatranje mogućnosti mobilizacije svih raspoloživih resursa na ovom polju.

U izvještajnom periodu Vijeće ministara BiH je utvrdilo prijedlog Zakona o izmjenama i dopunama Zakona o deminiranju u BiH koji je posredstvom Ministarstva civilnih poslova BiH upućen u redovnu parlamentarnu proceduru. U saradnji sa Ženevskim centrom za humanitarno deminiranje (GICHD) izrađena je Strategija protivminskog djelovanja BiH 2018-2025. godina koja je usvojena početkom 2019. godine. U saradnji sa Jedinicom za podršku u implementaciji „Otavske Konvencije“(APMBC ISU)

Centar za uklanjanje u BiH je podnio Zahtjev za produženje roka za ispunjavanje obaveza po članu 5. „Otavske Konvencije“.

Zbog potreba Komisije za deminiranje u BiH Kabinet direktora je pružao tehničku i stručnu pomoć članovima Komisije, posebno u održavanju sjednica Komisije, te izradi akta iz nadležnosti Komisije za deminiranje.

V.D. Direktor

Saša Obradović

